

UNIVERZITET U ZENICI



UNIVERSITY OF ZENICA

Rektorat/Rector's Office

Ured za osiguranje kvaliteta / Quality Assurance Department

Predmet: Razvoj procedure za menadžment projektnim aktivnostima na Univerzitetu u Zenici

KLASIFIKACIJA PROJEKATA NA UNIVERZITETU U ZENICI

Definicija projekta

Projekat je skup međusobno i u logičkom redosljedu povezanih aktivnosti koje su ograničenog vremenskog trajanja a usmjerene su na ostvarenje postavljenih ciljeva. On ima svoju strukturu, što podrazumijeva logično zaokružene cjeline, odnosno podprojekte (ili tzv. radne pakete), kojim se ostvaruju parcijalni ciljevi, a daljim povezivanjem omogućuje se postizanje konačnog cilja.

Važno je naglasiti da svaki projekt ima projektni tim za realizaciju istog, projektnog menadžera (šef projekta) koji je najodgovornija osoba sa menadžment projektom te projektni zadatak koji definiše planirani sadržaj projekta.

Klasifikacija projekata

Prema mjestu realizacije i učesnicima:

- Interni (kada su svi ili najveći broj aktivnih učesnika projekata sa UNZE i kada se isti radi za isključive potrebe UNZE)
- Eksterni (kada se radi za potrebe vanjskih naručilaca bez obzira na strukturu projektnog tima)

Oznaka za ovakve projekte su : I odnosno E.

Prema zemlji realizacije i učesnicima:

- Nacionalni (kada su svi ili najveći broj aktivnih učesnika projekata iz BiH i kada se rezultati projekta primjenjuju u BiH)
- Međunarodni (kada na projektu radi projektni tim koji se sastoji od učesnika iz raznih zemalja i primjena rezultata je u više zemalja)

Oznaka za ovakve projekte su : N odnosno M.

Prema karakteru:

Naučno-istraživački ili istraživačko-razvojni projekti (**oznaka IR**)

(Predstavljaju najviši stepen naučno-istraživačkog i istraživačko-razvojnog rada koji daju nova naučna otkrića, saznanja, tehnologije, inovacije, i sl.)

Stručni projekti (**oznaka SP**)

Ovi projekti obuhvataju industrijske i proizvodne projekte bazirane na poznatim ekspertskim znanjima, ekspertize, pravna i ekonomska tumačenja, socijalne analize poznatim naučnim i stručnim metodama, i dr.

Investicioni projekti (**oznaka IP**)

Projekti razvoja i gradnje tipa infrastrukturnih projekata, projekti nabavke novih mašina i opreme, razvoja novih jedinica na bazi postojećih iskustava i sl.

Organizacioni projekti (**oznaka OP**)

Projekti koji u rezultatu imaju promjene organizacijske strukture različitih nivoa, stvaranje novih jedinica, re-inženjering rada, poboljšavanje kvaliteta u radu, otvaranje novih fakulteta, instituta, studijskih odsjeka i sl.

Informatičko-komunikacijski projekti (**oznaka IK**)

Projekti izrade različitih software-a, projekti dogradnje vlastitih mreža Intraneta, multimedijalnih centara, razvoja naprednih dinamičkih web stranica i sl.

Projekti događaja (**oznaka PD**)

Projekti koji uključuju veliki broj učesnika izvan matične institucije tipa kongresa, konferencija, simpozijuma i sl., čije pripreme traju nekoliko mjeseci i više, koje imaju naučni i stručni projektni tim, i sl. Ovdje ne spadaju jednodnevni ili višednevni seminari, workshopovi (radionice), pozivna predavanja, debate, javne rasprave i sl. koji imaju karakter procesnog rada na organizaciji.

Poslovni projekti (**oznaka PP**)

Projekti razvoja novih poslovnih sistema (idejni projekti, studije izvodljivosti, glavni projekti i sl.) koji imaju za cilj povećanje opštih kapaciteta zajednice.

Životni ciklus projekata

Sadrži sljedeće globalne faze:

- Planiranje odnosno identifikacija projekta (poželjan dokument je Izjava/koncept projekta),
- Projektovanje (priprema i procjena projekta /Poželjan document ove faze je projektni zadatak),
- Realizacija (Definisano projektni tim radi na projektu),
- Praćenje (Definisano projektnim zadatkom ili projektnom aplikacijom),
- Kontrola (Definisano projektnim zadatkom ili projektnom aplikacijom).

Primjeri.

Projekt MF_EM_PD_03/2013

(tumačenje oznake:

Projekat Mašinskog fakulteta_Eksterni_Međunarodni_Projekt_dodačaja_2013)

Naziv projekta: Organizacija konferencije Kvaliteta 2013

(Napomena: Redni broj projekta dodjeljuje organizacijska jedinica na kojoj se projekt realizuje)

Projekt PrF_EM_PD_02/2013

(tumačenje oznake:

Projekat Pravnog fakulteta_Eksterni_Međunarodni_Projekt_dodačaja_2013)

Naziv projekta: Organizacija II međunarodne konferencije Pravna misao 2013

(Napomena: Redni broj projekta dodjeljuje organizacijska jedinica na kojoj se projekt realizuje)

Projekt FMM_EM_IR_04/2010

(tumačenje oznake: Projekt Fakulteta za metalurgiju i materijale_Eksterni_Međunarodni_Istraživačko-razvojni)

Puni naziv projekta: PRIMJENA NOVIH MATERIJALA U AUTOMOBILSKOJ INDUSTRIJI", bilateralni projekat BiH-SLO, vođa tima: prof. dr Diana Čubela (Fakultet za metalurgiju i materijale, UNZE) i prof. dr Milan Bizjak (Naravoslovnotehniška fakulteta Univerzitet u Ljubljani), projekat finansiralo Ministarstvo civilnih poslova BiH i vlada R Slovenije, vrijeme realizacije: 2010 – 2012

Projekt CIP_EM_OP_03/2013

(tumačenje oznake: Projekt Centra za inovativnost i preduzetništvo_Eksterni_Međunarodni_Organizacijski_projekt)

Puni naziv Tempus projekta: "MODERNIZATION OF WBC UNIVERSITIES THROUGH STRENGTHENING OF STRUCTURES AND SERVICES FOR KNOWLEDGE TRANSFER, RESEARCH AND INNOVATION" (530213-TEMPUS-1-2012-1-RS-TEMPUS-JPHES), University of Kragujevac PL.

U Zenici, novembra, 2013.

R.prof.dr sc. Darko Petković
Prorektor za QA i međunarodnu saradnju